

LI AWA'B'EJILAL RE WATEMAAL CHAQ'RAB' 12-2020

Watemaal 23 xb'e li po abril re li hab' 2020

LI AWA'B'EJILAL RE WATEMAAL

NAWNOOK:

Li Awa'b'ejilal ut xch'uutal eb' laj jolominel Roq Ruq'b' awa'b'ejilal, ke'xxaqab' eb' li chaq'rab' 05-2020, 6-2020, 7-2020, 8-2020 ut 9-2020 li sumenb'il ut tuqub'amb'ileb' ru xb'aan li chaq'rab' 8-2020, 9-2020, 21-2020 ut 22-2020 re Xmolamil eb' laj k'uub'anel Chaq'rab' re li tenamital, b'ar wi' nake'xxaqab' ut nake'xsuma naq yook chi nume'k jun li nimla rahilal sa' chi xjunil li tenamital, sa' xk'ab'a' naq li nimla molam re chi xjunil li ruuchich'och li nak'anjelak chi rix kawilal xjultika naq yook chi nume'k jun li yajel nayeemank re COVID-19, jo'kan naq a'in a'an jun nimla rahilal li yook xramb'al chi xjunil li tenamital ut ab'l tenamit, jo'kan naq twanq li kolok ib' ut xramb'al li yajel coronavirus (COVID-19) sa' li tenamit Watemaal, rik'in xk'anjel li molam nak'anjelak chi rix kawilal ut eb' li komonil wank.

NAWNOOK

Naq chalen chi ruheb' li kutank a'in, toj yook chi numtaak ut chi xpuktasinkil rib' li yajel COVID-19 sa' chi xjunil li tenamit Watemaal, jo'kan naq sa' xk'ab'a' a'in najultikamank li k'a' ru naxye li xchaq'rab'il xwanjikeb' li poyanam jo' aj wi' li molam nak'anjelak chi rix kawilal ut eb' li jalanjalanq chi molam, jo' aj wi' chi xjunil poyanam, te'okenq chi tenq'ank re naq twanq xb'eeresinkil li chaq'rab' reheb' li ab'l tenamit, jo' aj wi' re li qatenamit, aajel ru xb'aanunkil li na'leb' chi rix li saab'esinkil ib' re naq twanq li kolok ib' chi ru li yajel, jo' wi' xb'aanunkil chi xjunil li k'a' ru nake'xye laj b'anonel re naq ink'a' tpuktasi rib' li yajel, re naq chi jo'ka'in tk'osmanq xmetz'ew li mitzxul yook chi rahob'tesink.

NAWNOOK

Ri'kin chi junil li xyeemank chaq sa' eb' li raqal wankeb' chaq rub'elaj, aajel ru xnajto'b'resinkil ru xkutankil xwanjik sa' rahilal li tenamit, re naq li awa'b'ejilal re Watemaal tyal xq'e xkolb'al xyu'am ut xsahil xwanjik eb' li poyanam, sa' xk'ab'a' a'in aajel ru naq twanq xnajto'b'resinkil xkutankil li kolok ib' chi ru li yajel yook chi nume'k sa' li tenamit, li kiwank xyeeb'al naq traqmanq raj sa' li kutank jueves 2 xb'e li po julio re li hab' a'in.

JOKAN UTAN:

Sa' xb'aanunkil li xk'anjel li nak'e'k re xb'aan li chaq'rab' re li Raqal 1°, 2°, 93, 94, 95, 138, 139, 182 ut 183 sa' eb' li ch'ol e) ut f) re li Xnimal ru xhuhil xchaq'rab'il re li tenamit Watemaal; 6, 7, 16, 17, 30, 36, 39, 40, 47 re li charq'rab' 114-97 re Xmolamil aj k'uub'anel chaq'rab' jo'kan aj wi' li chaq'rab' re li awa'b'ejilal; ut jo' naxye sa' li raqal 1,2,14 ut 15 re li rajlil 7 re li nimla ch'uut aj yuib'anel chaq'rab' re li tenamit Watemaal, xchaq'rab'il xwanjik li poyanam sa' li Tenamit. Ut eb' li 58, 60 ut 76 re li xchaq'rab'il li kawilal.

Sa' xch'uutameb' laj jolominel Roq Ruq'b'il awa'b'ejilal:

NAXTENEB':

Raqal 1. Xnajtil ru li xkutankil. Nawank xnajto'b'resinkil xkutankil chi ru 30 kutank chik li xwanjik sa' rahilal li tenamit li kiwank xyeeb'al sa' li chaq'rab' 5-2020 re li kutank 5 xb'e li po marzo re li hab' 2020, li kiwank xsumenkil xb'aan li chaq'rab' 8-2020 re Xmolamil Aj K'uub'anel Chaq'rab', li xwank xtuqub'ankil ru sa' li chaq'rab' 6-2020 re li kutank 21 re li po marzo re li hab' 2020, li xwank aj wi' xnajto'b'resinkil xkutankil xb'aan li chaq'rab' 7-2020, eb' a'in xe'wank xkuutunkil rix xb'aan li chaq'rab' 9-2020 re li Xmolamil Aj K'uub'anel Chaq'rab' re li tenamit, li kiwank xnajto'b'resinkil xkutankil 8-2020, re li 20 xb'e li po abril re li hab' 2020, sumenb'il xb'aan li chaq'rab' 21-2020 re li Xmolamil Aj K'uub'anel chaq'rab' re li tenamital, li najto'b'resinb'il xkutankil xb'aan li chaq'rab' 9-2020 re li 24 xb'e li po mayo re li hab' 2020, li sumenb'il xb'aan li chaq'rab' 22-2020 re li Xmolamil aj K'uub'anel Chaq'rab'.

Raqal 2. Xch'olob'ankil xyaalal. Li xnajto'b'resinkil ru xkutankil xnumik li rahilal sa' li temamital li xyeemank chaq rub'elaj chalen chi ruheb' li kutank anaqwank toj yook chi nume'k ut xpuktasinkil rib' li yajel COVID-19 ut yook chi numtaak li rahilal yook xkanab'ankil sa' xb'een li yu'amej ut xkawilaleb' li poyanam, jo'kan naq li awa'b'ejilal re Watemaal teneb'amb'il sa' xb'een rilb'al naq eb' li poyanam te'xb'eeresi chi xjunil li xna'leb'il li

kolok ib' chi ru li yajel re naq ink'a' tñimanq ru li rahilal sa' xb'eeneb' li poyanam re li tenamit Watemaal, jo'kan naq aajel ru twanq xramb'al li yajel re naq ink'a' tpuktasi rib' ut tñimanq ru li rahilal sa' li tenamital.

Raqal 3. Eb' li b'an aajeleb' ru. Sa' xk'ab'a' naq aajel ru sa' chi xjunil li tenamital ut re xkolb'al rixeb' li komonil chi ruhatq eb' li yajel, sa' xk'ab'a' li rahilal yook chi k'ulmank sa' xb'een li kawilal re li tenamital, najultikamank naq jwal aajeleb' ru eb' li b'an a'in, a'yaal aj wi' li xtusulal xk'ab'a' b'an li xk'ehom li molam nayeeman re Organización Panamericana de la Salud (OPS-EML-ICU-COVID-19), a'aneb' a'in:

1. Ha'il b'an na'oksimank sa' ich'mul, malaj li nayeemank re soluciones parenterales.
2. Kaxlan iq' na'oksimank jo' ruuchil musiq' malaj li nayeemank re Gases medicinales, a'in re xtenq'ankileb' chi musiq'ak ut re xk'eeb'aleb' riq'ul eb' li yaj, b'ar wi' na'ok li nayeemank re oxígeno.
3. B'an natenq'ank re xb'eenik li kik' sa' li junxaqalil malaj li nayeemank re medicamentos vasoactivos.
4. B'an nak'anjelak wi' li junxaqalil malaj li nayeemank re medicamentos corticosteroides.
5. B'an naramok xpuktasinkil rib' mitzxul sa' junxaqalil, malaj li nayeemank re Antimicrobianos, wank aj wi' li azitromicina, ivermectina, remdesivir, oseltamivir ut junch'ol chik b'an li naruuk natenq'ank sa' xb'een li SARS-CoV-2.

Li xch'olob'ankil xtusulal ru eb' li b'an aajeleb' ru, nawank xjultikankil naq ink'a' naruuk naq eb' li poyanam ut eb' laj b'eeresinel chaq'rab' te'xmuq, te'xk'uula, te'xterq'us xtz'aq malaj nake'xyak yal re xterq'usinkil xtz'aq ut sa' xk'ab'a' chi xjunil a'in nake'xxok chi xjunil li b'an yal xtikib'ankil junaq ch'a'ajkilal sa' xb'een li na'ajej nawank wi' xtawb'al eb' li b'an a'in, jo'kan aj wi' chi xjunil yib' aj k'a'uxl nab'aanumank yal re xrahob'tesinkil xkawilal eb' li poyanam re li tenamital.

Raqal 4. B'oqok. Nawank xk'eeb'al jun xb'oqb'aleb' li xmolamil laj K'uub'anel Chaq'rab' naq chi ru oxib' kutank te'ril, te'xkuutu, te'xk'uub' ru malaj te'xkanab' chi maak'a' xwankil li chaq'rab' a'in xaqab'amb'il xb'aan li awa'b'ejilal. Sa' li xhoonalil tentook xq'axtesinkil sa' xk'uub'lal li awa'b'ejilal, tk'eemanq junaq li tz'iib'amb'il esil rik'in li yook chi k'ulmank, k'a' ru yook chi uxmanq rik'in li rahilal, jo'kan aj wi' xch'olob'ankil k'a' ut naq t-ajmanq xnajto'b'resinkil xkutankil li xnumik li rahilal sa' li tenamital, li xwank xxaqab'ankil chaq'rab' chi rix, a'yaal jo' naxye li raqal 32 re xchaq'rab'il xwanjikeb' li poyanam.

Raqal 5. Li xnumsinkil li esilal sa' raatinob'aal li tenamital. Nataqlamank naq li Xmolamil li k'ila Aatinob'aal Mayab' re Watemaal tb'aanu chi junpaat li xjalb'al ru sa' eb' li aatinob'aal Mayab', Garifuna ut Xinka, chi junil li k'a' ru xwank xxaqab'ankil sa' li chaq'rab' a'in, li xaqab'amb'il xb'aan li awa'b'ejilal, re naq twanq xyeeb'al ut xpuktasinkil sa' chi junil li na'ajej nak'uub'ank re li tenamit Watemaal, chi maajun twanq xkolb'al.

Raqal 6. Li xpuktasinkil. Najultikamank reheb' chi junileb' laj puktasinel esilal, a'yaal chank ru te'raj xpuktasinkil li chaq'rab' a'in, li tentook xb'aanunkil chi maatan, chi junil li k'a' ru xaqxook sa' li chaq'rab' a'in re li awa'b'ejilal, naq chi junil li xwank xsumenkil, xnajto'b'resinkil xkutankil malaj xkanab'ankil chi maak'a' xwankil, jo' aj wi' chi junil li nawank xxaqab'ankil xb'aan li awa'b'ejilal, tentook naq twanq xtz'iib'ankil chaq' sa' kaxlan aatin, sa' eb' li aatinob'aal Mayab', Garifuna ut Xinka, a'yaal li teep ut li aatinob'aal nawank raatinankil sa' li na'ajej junjunq. Wi' ink'a' nawank xb'aanunkil li yook chi yeemank tt'ane'q maak sa' xb'eeneb'.

A'yaal jo' naxye xchaq'rab'il li tenamit, li xpuktasinkil eb' li raqal a'in twanq xb'aanunkil chi maatan ut wi' ink'a' nawank xb'aanunkil jo' teneb'amb'il nawank xteneb'ankil li chaq'rab' sa' xb'een li ink'a' tb'aanunq re.

Raqal 7. Li chaq'rab' a'in natikla xb'eeresinkil chi junpaat ut twanq xpuktasinkil sa' li puktasib'aal tz'iib'amb'il esil re li awa'b'ejilal li Diario de Centroamerica.

CHI JULTIKAMANQ



COMUNIQUESE

ALEJANDRO EDUARDO GIAMMATTEI FALLA

Ci C

CÉSAR GUILLERMO CASTILLO REYES
VICEPRESIDENTE DE LA REPÚBLICA

Oliverio Garza Rodas

Oliverio Garza Rodas
MINISTRO DE COORDINACIÓN

Pedro Pablo Cilla

Pedro Pablo Cilla
MINISTRO DE RELACIONES
EXTERNOES

Juan Carlos Alemán Soto

Juan Carlos Alemán Soto
MINISTRO DE LA DEFENSA
NACIONAL

Marta Amelia Estrada Gullías

Marta Amelia Estrada Gullías
MINISTRA DE SALUD PÚBLICA Y
ASISTENCIA SOCIAL

José Edmundo Lemos Cifuentes

José Edmundo Lemos Cifuentes
MINISTRO DE TURISMO,
INDUSTRIA Y COMERCIO

Alvaro González Ricci

Alvaro González Ricci
MINISTRO DE FINANZAS
PÚBLICAS

Claudia Patricia de la Cruz

Claudia Patricia de la Cruz
MINISTRA DE EDUCACIÓN

Luis Enrique Martínez

Luis Enrique Martínez
MINISTRO DE CULTURA
Y DEPORTES

Alberto Pimentel Mata

Alberto Pimentel Mata
MINISTRO DE ENERGÍA
Y MINAS

Rafael Alberto Lobos Madrid

Rafael Alberto Lobos Madrid
MINISTRO DE TRABAJO Y
PREVISIÓN SOCIAL

José Ángel López Campos

José Ángel López Campos
MINISTRO DE AGRICULTURA,
GANADERÍA Y ALIMENTACIÓN

María Roberto Rojas Espino

María Roberto Rojas Espino
MINISTRO DE AMBIENTE Y
RECURSOS NATURALES

Raúl Romero Segura

Raúl Romero Segura
MINISTRO DE DESARROLLO
SOCIAL

Roberto Antonio Malouf Morales

Roberto Antonio Malouf Morales
MINISTRO DE ECONOMÍA

Lucha Luján Viqueza Luján

Lucha Luján Viqueza Luján
SECRETARÍA GENERAL
DE LA PRESIDENCIA DE LA REPÚBLICA

